

## ***Stolice za vanjsku upotrebu***

---

Stolice za vanjsku upotrebu spadaju u grupu proizvoda koja je široko rasprostranjena na tržištu i koriste ih mnoga domaćinstva. Stolice za vanjsku potrebu mogu se koristiti za kućnu i javnu upotrebu, te za kampiranje. Stolice moraju biti tako konstruisane da ne uzrokuju nikakve povrede za korisnika kad ih koristi u skladu sa predviđenom namjenom.

Stolice za vanjsku upotrebu se mogu staviti na tržište Bosne i Hercegovine, prema Zakonu o općoj sigurnosti proizvoda, samo ako su sigurne. Stolice se smatraju sigurnim ukoliko ispunjavaju sigurnosne zahtjeve propisane u bosanskohercegovačkim standardima BAS EN 581-1:2009 i BAS EN 581-2:2010.



### ***Najčešći rizik***

Najčešći rizik kojem su korisnici izloženi prilikom korištenja stolica za vanjsku upotrebu je rizik od povrede. Povrede mogu nastati zbog nedovoljne mehaničke izdržljivosti stolice ili preklopnih mehanizama za sklapanje stolice koji mogu uzrokovati povrede uslijed priklještenja prstiju. Primjer nesigurne stolice, koja može uzrokovati priklještenje prstiju, prikazan je na slijedećoj slici:



### *Uputstvo za upotrebu*

Uputstvo za upotrebu mora biti priloženo uz svaku stolicu za vanjsku upotrebu koja se nalazi u prodaji i mora biti napisano na jednom od jezika koji su u službenoj upotrebi u Bosni i Hercegovini.

Uputstvo mora sadržavati sljedeće informacije:

1. Na vrhu uputstva mora biti napisan tekst: "VAŽNO, SAČUVATI ZA BUDUĆU UPOTREBU - PROČITATI PAŽLJIVO" (pisano veličinom slova ne manjom od 5 mm).
2. Naziv i adresu proizvođača (proizvođač ili dobavljač);
3. Informacije o održavanju;
4. Uvjete koji se odnose na upotrebu stolice (kampovanje, kućna ili javna upotreba).